

Segun Audrey Lacle di Mambo

“Si kier mantene caya limpi mester laga auto afo”



ORANJESTAD - Segun Audrey Lacle representante di Mambo, e organizacion di e negoshinan den caya grandi, auto ta laga hopi sushi atras. Actualmente kier bin cu terasanan den caya. Pa hende sinta come y bebe pafu pero si bin cu terasa y e tram keda pasa e ora no tin luga pa e autonan.

Segun Lacle, ora BID (cual ta un organizacion cu ta den proceso) bin, nan lo zorg pa mashin di presion ya cu ora auto keda pasa constante riba e caya bo ta haya resto preto cu tiki tiki ta keda atras y pega na e edificacionan BID lo bin cu medidanan pa kita bals for di acera y yuda cu mantenimiento den caya.

Pa mantene e luga limpi e ora mester laga autonan afo, Lacle ta aclaria. Hopi hende a entrega keho pa locual ta trata e echo cu no

tin mucho caminda pa auto bida. pasa dor di caya grandi mas y esaki ta haci cu e caya no tin

Bida den caya



Ora bida cuminsa bek den caya, e ora ta bay cuminsa mira control social. Segun Lacle tin hopi instancia construyendo apartamentonan den caya.

Edificio di bon bini

E Edificio di bon bini ta den negociacion pa bira un casino, Segun lacle CMB patras di caya tambe ta den proceso di haci algun cambio

December binidero Hyatt place lo bin cu un edificio di 8 piso. Hopi hende ta bisa cu esaki lo dañá caya grandi pero awo caya no ta trata di infraestructura so, awo mester pone economia cuminsa draai Lacle ta elabora. Awo cu edificio di un 130 camber y ta purbando tambe di trece un casino den caya, esaki lo atrae hende.

E lo bira competitivo pa locual tin na prijsnan hotelero awo, tin hende cu ta bin un of dos dia so pa haci compras y kier un camber comodo esaki e Hyatt place por brinda nan Lacle ta splica.

caminda nan lo crea un brug cu ta conecta un edificio cu e otro. Esaki ta haci cu e cayanan parti patras y te asta na banda ta cuminsa haya mas bida.

Ora cuminsa pone bida den caya, entre otro bachelors nan, profesionalnan cu kier ta cerca di nan trabou, café's cu ta comodo bo ta haya bankeronan cu no mester sali for di caya pa un marketplace pa pasa bebe un koffie cu nan cliente.

E ambiente aki kier wordo crea y su tur hende colabora sigura esaki lo wordo logra, Lacle ta finalisa. □